



15. juni 2023

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninga apequteqaateqarpunga:

**Naalakkersuisunut apequteqaatit:**

1. **“Immikkut pisariaqartitsisunut Siunnersuisooqatigiit” soorlu maannakut “Aningaasaqarnermut Siunnersuisooqatigiit” assigalugu pilersinneqarnissaanut Naalakkersuisut qanoq isumaqarpat?**
  - a. **Aningaasaqarnermut Siunnersuisooqatigiit ingerlanneqarneranut ukiumut qanoq aningaasartuuteqarfigineqarpat?**
2. **“Immikkut pisariaqartitsisunut Siunnersuisooqatigiit” pilersinneqarnissaanut ingerlanneqarnissaanullu pisortanut aningaasatigut allaffissornikkullu qanoq kinguneqassava?**
3. **Naalakkersuisut pineqartumut attuumassutilinnik allanik ilisimatitsissuteqarsinnaanerlutik?**

(Inatsisartunut ilaasortaq Jens-Frederik Nielsen, Demokraatit)

### **Tunngavilersuut**

Aningaasaqarnermut Siunnersuisooqatigiinnit nalunaarusiat innersuussutigineqartartullu inuttut nuannarisuuakka. Politikkikkut aaliangiinissaq anguniartillugu oqallinnissamut tunngaviliisarput.

Aningaasaqarnermut Siunnersuisooqatigiit politikkikkut attuumassuteqarfigineqanngilaq ilinniarsimasunik immikkullu ilisimasaqartunit inuttalersorneqarsimalluni, tamannalu Aningaasaqarnermut Siunnersuisooqatigiit tatiginassutsikkut pitsaalluinnartumik inissisimavoq.

Immikkut pisariaqartitsisunut assinganik siunnersuisooqatigeeqarnissaa takorusuppara. Innuttaasut ajornartorsiornerpaanut politikkikkut aaliangiisoqassatillugu tunngavissaalluassasut ilimagilluinnarpara. Immikkut ilisimasalinniit ilinniarsimasuniillu misissueqqissaarnerit “Immikkut pisariaqartitsisunut Siunnersuisooqatigiinneersut” pineqartumut politikkikkut tunngavilersukkamik aaliangersaasoqalersillugu attuumassuteqanngitsumik nukittorsaataassaaq.

Apeqqutit akissutaat ullut qulit suliffiusut iluanni akineqareersimanissaat kissaatigaakka.